

Poziv na Javnu raspravu o Nacrtu odluke nazivima ulica, mostova i parkova, u naseljima i mjesnim zajednicama na području općine Teočak

Pozivaju se građani općine Teočak, općinski vijećnici, radna tijela Općinskog vijeća, javna preduzeća i javne ustanove, mjesne zajednice, udruženja građana, kulturni i javni radnici, te svi drugi zainteresovani da učestvuju u javnoj raspravi o Nacrtu odluke o nazivima ulica, mostova i parkova, u naseljima i mjesnim zajednicama na području općine Teočak, a u cilju sačinjavanja što kvalitetnijeg teksta Prijedloga odluke o nazivima ulica, mostova i parkova, u naseljima i mjesnim zajednicama na području općine Teočak.

Općinsko vijeće Teočak je na 23.sjednici, održanoj 31.10.2018.godine, usvojilo Nacrt odluke nazivima ulica, mostova i parkova, u naseljima i mjesnim zajednicama na području općine Teočak, sa zaključkom da se o istom otvori javna rasprava u trajanju od 60 dana.

Uvid u tekst Nacrta odluke moguće je izvršiti na web stranici Općine Teočak www.teocak.gov.ba, a dostupan je i u Centru za usluge građanima Općine Teočak.

Sve primjedbe i prijedloge potrebno je dostaviti u pismenoj formi direktno u Centar za usluge građanima Općine Teočak, putem pošte ili na email oteocak@bih.net.ba. Primjedbe se moraju dostaviti poštujući procedure propisane odredbama Odluke o načelima, kriterijima i postupku za određivanje naziva ulica, mostova i parkova na području općine Teočak („Službeni bilten općine Teočak“, broj:02/21)

Osim navedene mogućnosti građani će moći dostaviti svoje primjedbe i prijedloge direktno na centralnoj javnoj raspravi koja će se održati 28.01.2021.godine u sali OV Teočak sa početkom u 13.00 sati.

Radi kvalitetnije pripreme za učestvovanje u javnoj raspravi, te poštovanja propisanih procedura definisanih odredbama Odluke o načelima, kriterijima i postupku za određivanje naziva ulica, mostova i parkova na području općine Teočak („Službeni bilten općine Teočak“, broj:02/21), javnosti se daju slijedeće:

NAPOMENE I SMJERNICE:

1. Nazivi ulica koji su predloženi u Nacrtu odluke nisu konačni i mogu biti promjenjeni zbog čega se i provodi javna rasprava, a sve u cilju cilju sačinjavanja što kvalitetnijeg teksta Prijedloga odluke o nazivima ulica, mostova i parkova, u naseljima i mjesnim zajednicama na području općine Teočak.
2. Svaki sokak nije ulica. Broj ulica u općini Teočak, početnu i završnu tačku svake ulice definisala je Federalna uprava za geodetska pitanja, te navedeno nije moguće mijenjati.
3. Naziv ulice, mosta ili parka (član 4.Odluke) određuje se po:
 - a) geografskim i drugim pojmovima (kao npr. toponimi),
 - b) datumima vezanim za značajne događaje iz historije Teočaka i Bosne i Hercegovine,
 - c) po imenima osoba koje su dale značajan doprinos u historiji Teočaka i Bosne i Hercegovine (kao npr. u periodu srednjovjekovne bosanske države,

- narodnooslobodilačke borbe 1941.- 1945. i odbrambeno-oslobodilačkog rata 1992.-1995. godine i sl.),
- d) imenima osoba koje su dale svoj doprinos u kulturnom, privrednom, društvenom, sportskom i naučnom razvoju Teočaka,
 - e) imenima lica ili drugim nazivima koji simboliziraju, u međunarodnim okvirima, doprinos razvoju čovječanstva, humanosti, nauke, kulture, mira ili druge oblasti o međunarodnog značaja,
 - f) Numeričkim rednim ili slovnim oznakama (npr. Prva ulica, ul. 8. mart i sl.).
 - g) Ulica, most ili park ne može dobiti naziv po imenu žive osobe.
4. Ako se za naziv predlaže ime neke historijske ličnosti, od čije je smrti prošlo manje od 100 godina, pribavit će se saglasnost nasljednika prvog nasljednog reda.(član 7.Odluke)
 5. Uz pisane inicijative za uvrštavanje naziva ulice, mosta ili parka, dostavlja se obrazloženje koje mora sadržavati osnovne podatke o predloženom nazivu, posebno one koji su opredjeljujući kod predlaganja naziva /historijskog datuma, toponima i slično/(Član 9.Odluke)
 6. Kada se inicijativa odnosi na ime neke osobe, ista mora sadržavati kratke biografske podatke i one podatke koji se odnose na doprinos navedene osobe razvoju Teočaka i Bosne i Hercegovine.(Član 9.Odluke)
 7. Ukoliko je riječ o inicijativi o nazivu ulice po imenu osobe poginule u zadnjem ratu ista u prilogu mora sadržavati pisanu saglasnost svih porodica šehida koje stanuju u ulici čiji se naziv predlaže inicijativom.(Član 9.Odluke) Saglasnost se daje u skladu sa Zakonom o ovjeravanju potpisa, rukopisa i prepisa,. ("Službeni list SR BiH" broj: 37/71, 39/85, 42/89)
 8. Inicijative obavezno trebaju sadržavati tekstualni opis s osnovnim podacima o lokaciji, graničnim tačkama i izgledu ulice, mosta ili parka, te po mogućnosti i grafički prikaz ulice, mosta ili parka i razloge zbog kojih se predlaže taj naziv.(Član 9.Odluke)